

# CYDBWYLLGOR LLYWODRAETHU PARTNERIAETH PENSIWN CYMRU

Dydd Gwener, 11 Medi 2020

**YN BRESENNOL:** Y Cynghorydd G. Caron (Cadeirydd)

## **Cynghorwyr:**

P. Lewis, C. Lloyd, M. Norris, J. Pughe Roberts, C. Weaver a D.E. Williams.

## **Roedd y swyddogion a ganlyn yn bresennol:**

C. Moore, Swyddog Adran 151 y Cydbwyllgor (Cyngor Sir Gâr)  
L.R. Jones, Swyddog Monitro'r Cydbwyllgor (Cyngor Sir Gâr)  
N. Aurelius, Prif Weithredwr Cynorthwyol - Adnoddau (Cyngor Sir Torfaen)  
B. Davies, Cyfarwyddwr Gwasanaethau Ariannol (Rhondda Cynon Taf)  
J. Dong, Prif Swyddog Trysorlys a Thechnegol (Dinas a Sir Abertawe)  
D. Jones-Thomas, Rheolwr Buddsoddi (Cyngor Gwynedd)  
P. Latham, Rheolwr y Gronfa Bensiynau (Cyngor Sir y Fflint)  
C. Lee, Cyfarwyddwr Corfforaethol Adnoddau (Cyngor Dinas Caerdydd)  
A. Parnell, Rheolwr Trysorlys a Buddsoddi Pensiwn (Cyngor Sir Gâr)  
J. Thomas, Pennaeth Gwasanaethau Ariannol (Cyngor Sir Powys)  
T. Williams, Uwch Swyddog Gwasanaethau Ariannol (Cyngor Sir Gâr)  
J. Laimann, Swyddog Gwasanaethau Democraidd Cynorthwyol (Cyngor Sir Gâr).

## **Hefyd wrth law fel sylwedyddion:**

C. Hurst, Rheolwr y Gronfa Bensiynau (Cyngor Sir Powys)  
K. Cobb, Uwch Gyfrifydd (Dinas a Sir Abertawe)  
G. Watkins, Cyfarwyddwr Cynorthwyol Gwasanaethau Ariannol (Cyngor Dinas Caerdydd)  
D. Fielder, Dirprwy Bennaeth Cronfa Bensiynau Clwyd (Cyngor Sir y Fflint)  
B. Owen, Swyddog Buddsoddiadau Pensiwn (Cyngor Sir Gâr)  
A. Bull, Rheolwr Buddsoddiadau Pensiwn (Cyngor Sir Torfaen).

## **Hefyd yn bresennol:**

A. Tookey, Link Fund Solutions  
D. Lowman, Link Fund Solutions  
R. Thornton, Link Fund Solutions  
K. Midl, Link Fund Solutions  
J. Leggate, Russell Investments  
S. Mandich, Russell Investments  
A. Quinn, Russell Investments  
F. Hope, Hymans Robertson  
J. Wright, Hymans Robertson  
A. Johnstown, Hymans Robertson  
D. Armstrong, Northern Trust  
N. Round, Northern Trust  
R. Smith, Northern Trust.

**Cyfarfod Rhithiol - 10.00 - 11.25 am**



## 1. YMDDIHEURIADAU AM ABSENOLDEB

Hysbyswyd y Cydbwyllgor Llywodraethu y penodwyd y Cynghorydd Ted Palmer yn lle'r Cynghorydd Aaron Shotton. Diolchodd y Cadeirydd i'r Cynghorydd Shotton am ei gyfraniad ar ran y Cydbwyllgor Llywodraethu.

Cafwyd ymddiheuriadau gan y Cynghorydd Ted Palmer a Mr Dafydd Edwards am eu bod yn absennol, ac roedd Delyth Jones-Thomas yn bresennol fel dirprwy ar ran Mr Edwards.

## 2. DATGANIADAU O FUDDIANT

G. Caron	Aelod o Gronfa Bensiynau Gwent Fwyaf; Ei wraig yn aelod gohiriedig o Gronfa Bensiynau Gwent Fwyaf; Ei fab yng nghyfraith yn aelod o Gronfa Bensiynau Gwent Fwyaf;
P. Lewis	Aelod o Gronfa Bensiynau Powys;
C. Lloyd	Aelod o Gronfa Bensiynau Dinas a Sir Abertawe;
M. Norris	Aelod o Gronfa Bensiynau Rhondda Cynon Taf;
E. Williams	Aelod o Gronfa Bensiynau Dyfed.

[Noder: Mae eithriad yng Nghod Ymddygiad yr Aelodau sy'n galluogi aelod sydd wedi'i benodi neu'i enwebu i gorff perthnasol gan ei awdurdod i ddatgan y buddiant hwnnw gan aros a chymryd rhan yn y cyfarfod.]

## 3. LLOFNODI YN COFNOD CYWIR COFNODION Y CYFARFOD A GYNHALIWDYD AR 17 GORFFENNAF 2020

**PENDERFYNWYD** llofnodi cofnodion cyfarfod y Cydbwyllgor Llywodraethu a gynhaliwyd ar 17 Gorffennaf 2020 fel cofnod cywir.

## 4. DIWEDDARIAD GAN YR AWDURDOD LLETYA

*[Noder: Oherwydd trafferthion technegol, y Cynghorydd Clive Lloyd a gadeiriodd y cyfarfod o'r eitem hon ymlaen.]*

Derbyniodd y Cydbwyllgor y wybodaeth ddiweddaraf ynglŷn â'r cynnydd a wnaed yn y meysydd allweddol canlynol:

- Llywodraethu;
- Sefydlu parhaus;
- Gwasanaethau gweithredwr;
- Cyfathrebu ac adrodd;
- Hyfforddiant a chyfarfodydd; ac
- Adnoddau, cyllideb a ffioedd.



Hysbyswyd y Cydbwyllgor fod y cynnig ynghylch cynrychioli aelodau'r cynllun yn dal yn cael ei ddatblygu ac y byddai'n dod gerbron y Cydbwyllgor mewn cyfarfod yn y dyfodol.

Mewn ymateb i ymholiad, hysbyswyd y Cydbwyllgor y rhoddid ystyriaeth i lunio holiadur asesu gwybodaeth yn debyg i'r holiadur Gofynion ac Uchelgeisiau oedd wrthi'n cael ei ddrafftio.

Gofynnwyd pa ganran o gyfanswm asedau'r gronfa bensiynau a oedd wedi'i throsglwyddo i Bartneriaeth Pensiynau Cymru. Hysbyswyd y Cydbwyllgor y trosglwyddwyd oddeutu 65% o'r holl asedau a bod y ffigwr yn amrywio o un Gronfa Bensiynau i'r llall.

**PENDERFYNWYD derbyn y wybodaeth ddiweddaraf gan yr Awdurdod Lletya.**

## **5. DIWEDDARIAD GAN Y GWEITHREDWR**

Derbyniodd y Cydbwyllgor y wybodaeth ddiweddaraf gan Duncan Lowman a Richard Thornton o Link Fund Solutions a Sasha Mandich o Russell Investments ynglŷn â chynnydd Partneriaeth Pensiynau Cymru yn y meysydd allweddol canlynol:

- Daliannau Presennol y Gronfa;
- Lansio'r Gronfa;
- Ymgysylltu Corfforaethol a Rhannu'r Wybodaeth Ddiweddaraf

Hysbyswyd y Cydbwyllgor y penodwyd Richard Thornton yn Bennaeth Rheoli Cysylltiadau gyda Link.

**PENDERFYNWYD derbyn y wybodaeth ddiweddaraf.**

## **6. ADRODDIADAU PERFFORMIAD FEL AR 30 MEHEFIN 2020**

Cafodd y Cydbwyllgor gyflwyniad ar yr adroddiadau perfformiad ar gyfer y Gronfa Twf Byd-eang, y Gronfa Cyfleoedd Byd-eang a Chronfa Cyfleoedd y Deyrnas Gyfunol fel yr oedd hi ar 30 Mehefin 2020.

Nodwyd fod gwerth y tair cronfa ar y farchnad wedi cynyddu yn y tri mis diwethaf. Cynyddodd Cronfa Twf Byd-eang y Bartneriaeth o £1,961,972,648 i £2,373,367,154; cododd Cronfa Cyfleoedd Byd-eang y Bartneriaeth o £1,881,872,223 i £2,230,646,643; ac fe gynyddodd Cronfa Cyfleoedd y Deyrnas Gyfunol o £480,052,962 i £545,585,824. Ers y cychwyn roedd y cronfeydd Twf Byd-eang a Chyfleoedd Byd-eang wedi perfformio 0.42% (gros) yn well na'u meincnodau / (0.01% yn waeth na'u meincnodau) (net), a 0.93% (gros) / 0.57% (net). Perfformiodd Cyfleoedd y Deyrnas Gyfunol 1.11% (gros) / 1.39% (net) yn waeth na'i meincnodau.

Wrth ateb ymholiad ynglŷn â phwysoli targedau, hysbyswyd y Cydbwyllgor mai'r pwysoliadau hyn a gytunwyd pan lansiwyd y cronfeydd, ac y gellid eu haddasu yn sgîl trafodaeth a chytundeb drachefn gan y Gweithgor Swyddogion a'r Cydbwyllgor.



**PENDERFYNWYD** derbyn yr adroddiadau perfformiad ar gyfer y Gronfa Twf Byd-eang, y Gronfa Cyfleoedd Byd-eang a Chronfa Cyfleoedd y Deyrnas Gyfunol fel yr oedd hi ar 30 Mehefin 2020.

**7. GORCHYMYN I'R CYHOEDD ADAEL Y CYFARFOD**

**PENDERFYNWYD**, yn unol â Deddf Llywodraeth Leol 1972, fel y'i diwygiwyd gan Orchymyn Llywodraeth Leol (Mynediad at Wybodaeth) (Amrywiad) (Cymru) 2007, gwahardd y cyhoedd o'r cyfarfod yn ystod ystyried yr eitem a ganlyn gan fod yr adroddiadau yn cynnwys gwybodaeth eithriedig, fel y'i diffiniwyd ym mharagraff 14, Rhan 4, Atodlen 12A o'r Ddeddf.

**8. ADOLYGIAD BENTHYCA GWARANNAU BYD-EANG FEL YR OEDD AR 30 MEHEFIN 2020**

Ar sail prawf budd y cyhoedd, **PENDERFYNWYD**, yn unol â'r Ddeddf y cyfeirir ati yng Nghofnod 7 uchod, y dylid ystyried y mater hwn yn breifat gan wahardd y cyhoedd o'r cyfarfod, gan y byddai datgelu'r wybodaeth yn debygol o achosi niwed ariannol i Bartneriaeth Pensiynau Cymru drwy amharu ar drafodaethau.

Bu'r Cydbwyllgor yn ystyried adroddiad ar yr Adolygiad Benthycy Cyfranddaliadau fel yr oedd hi ar 30 Mehefin 2020.

**PENDERFYNWYD** nodi'r adroddiad Benthycy Cyfranddaliadau fel yr oedd hi ar 30 Mehefin 2020.

---

**CADEIRYDD**

---

**DYDDIAD**

